

Galesia Pâlanj Zisas Kilaisiyelen am manje Galesia msalen mamamtemien eknjengat zapat meluwanj kapi kumindaye

Pâlanj zapat meluwanj kapi kuye. Galesia zapat meluwanj kapiyet zet kuye keyanj an nânânjin temanj Tâtâ Alaknjangalen nânâ mulup mamiwan eganj zapat meluwanj kuye ma yek e zet kapiyetnanj timti zet njen kemak bemekti Pâliyelen ma egalen yek e zet Galesia kuye kapiyetnananj zemusuwepme keyet katanj mamâlîp.

Pâlanj zapat meluwanj kapi kuyeen Kawawanjgalen Zet Zapat Dolaknjanj Penanj am notnanj Zuda manjeen ku sokbembenanj ekjenmagen alaknjangat ma njenanj timti megeen kan keyet ekjen dapmelanje sambe msokbem mege. Ekjengalen kenjangatnanj njen ilak Galesia kapi eknjengat zapat meluwanj kuye. Nuknjanj kapiyanj tageyepm Pâlanj zapat meluwanj kapi mge. An notnanj Zuda am manjeengatanj Galesia msalen dapmelanje tapmebien eknjengat tunjuwinanen meti Kawawanjgalen Zet Zapat Dolaknjanj Penanj Pâlanj ekjenmagen timet zeye ke tapmenjut saknjanj naman Zuda am ekjengalen yensokjineyanj Kawawanjmak tusum mamayet zetik mimiñangalen betziñ ke kegogak ewe pepap bemti tim mamayelen zewien. Betziñ keyet piliñanj sek butnanj maantimtemien. “Nep

in nâmkîņpepemak mamayet Zisas nâmkîņpeme ingalen bep. Kegok ke set penañañ penañ mimiyelen yangut keetan ĩep penañ yek. In kegok mti keyet palañañ sekņin butnañ ewe antiseip wagak.” Zet kegok mozeme amnañ keñ zut palen Kawawañgalen Zet Zapat Dolakñañ Penañañ Zisas nâmkîņpemi mama kazizit aiik keyet mtobiengapmti Pâlañ zapat meluwañ kumti zet keboñ keyañ Kawawañgalen zet ku mtotogalen nâmti kuye. Angalen mama mimi zetnañ Kawawañgalen zetmak ĩep ku lumañti tim mamayelen yegat satnañ penañgat penañ zemti kumindaye.

**Zet ĩotekñañ temañ kapigokgañ Galesia zapa-
t meluwañ keñañ talip:**

1:1-10 Zet yañbem zenzeyelen zet

1:11-2:21 Pâlañ mulup kapi Kawawañañ keta-
lasim nañge kegok zeye

3:1-4:31 Kawawañgalen keñ taoletgat zet zap-
atnañ kapiyet mimiñañ

5:1-6:10 Dapmelange ekņen Zisasimagen
tâtâñin tazin keyepmti ekņenañ kwitnañ
ņen mimiyelen e kwidendenañpiñ

6:11-18 Pâlañ zet zemdelañ zein

*Pâlañ Galesia am nâmkîņpepemak ekņen in-
damukumin*

¹ Neñ Pâl, Kawawañgalen Zet Zapat Dolakñañ Penañ zemkawañ bembeyet Zisasiyañ ombem-
neñge. Âpme neñ wa an ĩenañ mulup kapi
mimiyet ku zemneñge ma ku neme meban.
Ningat Kawawañ Bipm egañ ikñañ Zisas Kilais

gakikiengatnan mme wage egelan muluwit kapi mimiyele zembun.

² Âpme neŋmak nâmkipepen an notne sambe pien Galesia matalip ekŋenmak nin in indamukunup.

³ Mme neŋ Kawawaŋ Bipm ma Amobotnaŋ Zisas Kilaisiyaŋ keŋ taolet mimindamti indamukulem mimindeme keŋ sewakŋaŋaŋ ingat tuŋguwinan wemti weweyelen mandunduyap.

⁴ Kawawaŋ Bipmnaŋ nâme weŋge keyet katnan Kilais zempeme egaŋ zet gawepumti nin yomengatnan gilik zemti ndatim kwakwagat ikŋaŋgat keŋaŋaŋ penaŋ mamaŋaŋ ke amgat belen ketalasi me ekŋenaŋ kume gakiye.

⁵ Keyepmti nin Kawawaŋgat nâmann mobotnaŋ beme kan kataŋ sesewatsapeŋ mamambanup. E penaŋ.

In Kawawaŋgalen Zet Zapat Dolakŋaŋ Penaŋ kapi ku zemyuŋuwep

⁶ Kawawaŋaŋ in Kilaisiyelen keŋ taoletnaŋgapm indazemtetime ekmagen kobien. Ya in kot belak welep mti naman zet katnaŋ ŋen amgalen ŋoktikmak lumamaŋaŋ ke mamâlipgapmti neŋ ingat nâmtemtem penaŋ mimindeyap.

⁷ In nâip, Kilaisiyelen zet katnaŋ penaŋ ŋen ku tazin. An notnaŋaŋ Kilaisiyelen Zet Zapat Dolakŋaŋ Penaŋ diindondonaŋ ke amgalen ŋoktikmak lumanti ingat ŋoktikŋin mamyuŋgumindeip.

⁸ Keyepmti pigok zema nâit. Ninmagengatnan an ŋen ma Kawawaŋgalen ensel kululuŋengatnaŋ

nenan zet katnan diindowennen ke zemyungumti nen diindowe beme an kebon ke Kawawanjan zemdalan zempeme tezin nandanjat zapat bewe!

⁹ Apme zet pi ewenan zewan keyegak sakwalam zema nait. An nenan Kawawangalen Zet Zapat Dolaknan Penan diindowenn ke zemyungumti zet katnan nen diindoween an ke Kawawanjan welili mpeme tezin nandanjat zapat bewe.

¹⁰ In name nen zet kapi amnan namneme dolaknan bembeyet zeyap bein? E yek! Nen Kawawanjan iknan namneme dolaknan bembeyet namti manzeyap. Nen nananjat amnan namneme mobotnan bewak ze zigoset Kilaisiyet mulup an mambak?

Kawawanjan Pâl mulupmanjapm kumtetime koge

¹¹ Notnne, nen zet kapigok zema nait: Nen Kilais iknanmagangatnan penan Kawawangalen Zet Zapat Dolaknan Penan kapi timti diindowan wa ke ammagangatnan yek.

¹² Nen Kawawangalen Zet Zapat Dolaknan Penan manzeyap kapi am nenmagangatnan ku tiwan ma nenan zemzikat ku mnaye. Zisas Kilaisiyan iknan zemzikat nanje.

¹³ Nen Zuda am nnanjalen namkinpepe ke mati mmamkwabannen zigok mamban ke in mamanananjat yanjan nep nait. Nen windenan penan bemti Kawawanjan namkinpepenan am nanje nen nanje nen sisipenpen mimindamti indawalesagat mamkwateman.

14 Neŋ itnaŋaŋ Zuda am nnaŋgalen sesewat mama mimien nempa sememen kwep notnaŋ indasebemindemti yenpapmne ekŋengalen mama mimi ke mâpmamti keyaŋ katikŋaŋ bem tatagalen mulup windenŋaŋben mammtaman.

15 Âpme Kawawaŋaŋ nâmnenge keyet kataŋ neŋ ewe sokbembepiŋ tapma eweŋan tipman baenen egaŋ keŋ taoletnaŋgapmti naombenenge. Ma nâme weme nazemtetime ikŋaŋgalen mulup mamiap.

16 Âpme kan beme ekbanen egaŋ Nemunaŋ zikat name egalen buŋam zapat keyet yaŋaŋ am Zuda maŋgaen ku sokbembenaŋ ekŋengat ŋep zewak. Ma neŋ an ŋenmagen mepma zem-musuwewetgalen ŋoktik ku naŋge.

17 Ma Zelusalem mkaen ku moti Zisasiyet nembraŋane an notnne eweŋan yaŋbemti mamkwatemien ekŋen ku indikban. Neŋ belak Alebia msalen metatneti bam gilik zem Damaskas mkaen koban.

18 Ke matokwatnepema nup kan tuk delan zeme bam Pita eksâgât Zelusalem mkaen moti ekmak ke Sonda zut etaŋ mamban.

19 Ekmak ke mamti Zisasiyet nembraŋane notnaŋ sambe ku tapme indikban. Amobotnaŋ Zisasiyet meniŋaŋ Zems etaŋgut tapme ekban.

20 Zet kapi dâsuki ku kumindayap. Penan sukwep Kawawaŋgat zikatnan kuyap.

21 Neŋ Zelusalem mka teman ke maneti keyetnan bam Silia ma Silisia msalen meti Kawawaŋgalen Zet Zapat Dolakŋaŋ Penan diindom diindom meban.

²² Kan keyet Zudia msalen Kilais nâmkînpepenaŋ am mambien ekŋenaŋ nîknîkpiŋ mme meban.

²³ Neŋ mepma am notnaŋ ekŋenaŋ nâgât zapatn pigok etaŋ zeme nâmbien, “An nin sisipeŋpeŋ minndamti Zisasiyelen kwizet buŋamaŋ mme yek bembeyelen mulupmaŋ mamin piwan naman Zisas nâmkînpeŋti egat kwizet buŋamaŋ zetnaŋ zemzikat indam tapmmezîn.”

²⁴ Ekŋenaŋ nâgât zapatn kegok zeme nâmti keŋin dolakŋaŋ penanŋ beme Kawawaŋgat wisikŋ zewien.

2

Pâlaŋ ombemindendeŋaŋ notnaŋ Zelusalem mkaen met indige

¹ Msat katanŋ matokwapmetnepema nup kan 14 delaŋ zeme Zelusalem mkaen ewe mesât tati Banabasimak Taitas ilisakwep idatima neŋmak mebenn.

² Ke belak penanŋ ku mobenn Kawawaŋaŋ zet zemkawaŋ bem namti keŋin m eleŋ beleŋ beme mosâti eget idatimti moban. Moti am Zuda maŋgeen ku sokbembeŋaŋ ekŋenmagen Kawawaŋgalen Zet Zapat Dolakŋaŋ Penanŋ zemkawaŋ bemindawan keyet zapatnaŋ an ŋeŋaŋ etaŋ ondekindemti ekŋen zemkawaŋ bemindawenn. Kapigok nâmtiyepm mbenn mneti ekŋenaŋ neŋ mulup mamiyap ma mkwabana keyet zentalat neme mulupmnaŋ penanŋepiŋ benakmagen zemti kegok mbenn.

³ Âpme Taitas ek kogogagak Glik msalengat-
naŋaŋ wati mebelin keyepmti ondedagen ek
sekŋaŋ butnaŋ antimpepeyet ku nâmpewien.

⁴ Keyaŋgut ningalen ondedak keyet keŋaŋ an
belakŋaŋ notnaŋ nâmkŋepepen sakamnok ma-
maip ekŋenaŋ buzak buzak ondedagen motati
nin Kilais Zisasmak tusum mamti lala mamanup
keyet yaŋŋ ndikmâtâti Zuda am ekŋengalen
zii zet kandaŋaŋ ke ewe gawepumti mimiyet
nâmti Taitas sekŋaŋ butnaŋ antimpepeyet zem-
ndewien.

⁵ Zemâtâtndame nin ekŋen keboŋ ke ondeda-
gen zet zenzeyet kawaŋaŋ isikŋaŋ bugan ku in-
dawenn. Nin Kawawaŋgalen Zet Zapat Dolakŋaŋ
Penaŋ keyelen setnaŋ ke inimagen mkaliŋaŋ be-
mann tatagat nâmti mulupmaŋ maminup.

⁶ Nâmkŋepemak am ekŋenmagen an ŋeŋaŋ
notnaŋaŋ amobotnaŋ sakam bemti ekŋenaŋ Zet
Zapat Dolakŋaŋ Penaŋ zenze mulup mkwabien.
Ekŋenaŋ nânâ alakŋaŋ ŋen ku zeme nâmban. Neŋ
manzeyap sepem kegogak zemkwapme nâmban.
Mobotnaŋ ma tototnaŋ, temaŋ ma isikŋaŋ,
Kawawaŋaŋ nin sambe ndikme sepem kwep
mambenup.

⁷ Ekŋenaŋ ek nâme Kawawaŋaŋ Pita ek
Zuda am ekŋenmagen Kawawaŋgalen Zet Zapat
Dolakŋaŋ Penaŋ zemkawaŋ bembeyet zempeye.
Âpme neŋgut am Zuda maŋgeen ku sokbembenjaŋ
ekŋenmagen mulup mimiyet zemneŋge.

⁸ Mti Kawawaŋaŋ Pita Zisas Kilaisiyelen buŋam
zapat zemkawaŋ bembeyelen kumtetimti winde
same egaŋ Zuda am ekŋenmagen mulup mge.

Âpme neŋ kegogak an Zisas Kilaisiyelen buŋam zapat zemkawanbembeyelen nakumtetimti winde namti zemneme am Zuda maŋgeen ku sokbembeŋaŋ ekŋenmagen mulup mimiyet zemneŋge.

⁹ Neŋ Kawawaŋaŋ keŋ taolet mnamti mulup mobotnaŋ kapi naŋge. Mti Zemsmak, Pita ma Zân ekŋenaŋ am Kilais nâmkiŋpepeŋaŋ maŋge ekŋengat ŋeŋaŋin amobotnaŋ sakam bemti mambiengapm ndikmâtâti neŋmak Banabas nit notn minndemti bet butem ndemti nit am Zuda maŋgeen ku sokbembeŋaŋ ekŋenmagen mulup mimiyet zemâtâtndame mepmalu ilin Zuda am ekŋenmagen mulup ewe tusumti mbien.

¹⁰ Âpme ekŋenaŋ ondedagen keyet nin am nâmkiŋpepemak msat notnanen maip ekŋenmagen met zemalu milawat notnaŋ beme timti nin am bekopsat Kawawaŋgalen dapmelange Zelusalem mka teman mamaip ekŋen indapmukulem mimindendeyet etaŋ zemndewien. Âpme neŋ mulup ke eweŋaŋ baen winderŋambeŋ mammkwalawaŋ ya pi ewe mti indamukulem mmobap.

Pâlaŋ Pitayelen myuŋguŋuŋaŋ eksokbeye

¹¹ Âpme Pitayaŋ Antiok mka temanen kopme neŋ am sambe keŋaŋ myuŋgu yuŋguŋaŋ ombemti zewan e kwilekiyet egaŋ myuŋguŋgu sosok penaŋ mge.

¹² Kelak tipman baen Zemsiyaŋ am nâmkiŋpepemak Antiok mkaen ku indeme kobienen Pitayaŋ am nâmkiŋpepemak Zuda maŋge ku sokbembeŋaŋ ekŋenmak tu meu

manimtan. Yanan am ekñen keyañ kot patañ pewien kan keyet egañ naman ekñen Zuda mangeen ku sokbembenañ ekñengat kingat kumti ekñenmak tu meu ku manimtan. Enenogat egañ ekñenañ yaññ eksokbeseip ma an ekñen keyañ am sekñin butnañ antitiyelen kenin teman wenje keyepmti kingati mge.

¹³ Âpme Zuda am nâmkijpepemak notnañ sambe ekñenañ yañbemti Pitayañ kingati mgenok sakamkwep mme Banabas mee kogak ekñengat kingati sululuk mege.

¹⁴ Kegok mti ekñenañ Kawawañgalen Zet Zapat Dolakñañ Penañ tazin keyet katañ ku mâpme indikti neñ am sambeyet zikalinan Pitayet pigok dunduwan, “Geñ Zuda anañ, Zuda am ningalen mama mimi tazin keyet katañ ku maminik. Geñ am Zuda mangeen ku sokbembenañ ekñengalen mama mimi keyet katnan maminik ke ñep penañ yek. Giti an kebonañ naman zigok ekñenañ Zuda am ningalen mama mimi keyet katañ mamayet maindapitilini?”

¹⁵ Nin Zuda am manje penañ wa nin am zupman mamaip amka yomton ekñen kebon yek.

¹⁶ Nin nânup an ñenañ Zudayelen zii zet gawepumti keyepm Kawawañgat zikatnan teñ ku mambein. Zisas Kilaisiyet etañ nâmkijpemtingut teñ ñep bembeyelen. Nin kegogak Zisas Kilais nâmkijpewengapmti Kawawañgat zikatnan teñ mama ke mamanup. Wa zii zetgat yek.

¹⁷ Âpme am notnañ nin Kilaismak pepep bemti teñ mamasâgât manzenup. Yañgut nin Kawawañañ ndikme am yomton mamaip ekñen

nemboŋak mambein keyepmti in nâme Kilais egaŋ yom mimiyet zemndeme mamanup bein? Wa kogok ke yek!

18 Neŋ zii zet ekma dolakŋaŋ bein keyaŋgut zii zet ke mâti teŋ setnaŋ bembe ke set ku tazin keyepm naman bamkumpewan ke naman ewe mma kwapme mti mambap beme neŋ an zet kululutoŋ bewap.

19 Âpme nin an gakikiŋaŋ sekŋaŋ ke mti zet muluwen ku mawapmotnup. Âpme neŋ kegogak am gakikiŋaŋnok mayap keyepmti zii zelaŋ ŋep ku zemnonak. Neŋ Kawawaŋ manâmkiŋpeyapgapmti mama mimi teŋ penan mamiyap. Keyepmti zii zelaŋ neŋmak Kilais tewen ndome gakiwelinok bein.

20 Neŋ pigok nâmkiŋpeyap Zisas Kilais tewen gakiye kan keyet mama miminn itnaŋaŋ bekanan sambe bee asekmek yek bemâge. Keyepmti neŋ alak pi mama miminn itnaŋaŋ bekanan ke mâti mulup mamin, keyet kataŋ ku mamiyap. Neŋ Zisas Kilais egalen ŋoktik etaŋ mâti mamiyap. Âpme Kawawaŋgat Nemunaŋ Zisas Kilais egaŋ nâgât kemberŋ nâmnemti yomm pumti gakiye. Keyepmti neŋ keyet nâmkiŋpema egaŋ nâgât keŋnan koti matazingapmti egaŋ nâgât zet zigok ŋen manzein ke neŋ nâmti zetnaŋ maŋgawepuyap.

21 Neŋ Kawawaŋgalen keŋ taolet am ninma-gen sokbeye ke ku manzentalatpeyap. Zii zet gawepumti yompiŋ bembe set ke tadak ze Kilais ek belak etaŋ gakiye kok zewenek.”

3

Zii zet gawepupu ma nâmkijpepeyelen zet

¹ Wakae, Galesia am seon manje penan! In am pe kwiyan kenin mme kilom beye? Neñ Zisas Kilais tewen kumasasokpepenan keyet yanjan weyan zemâtâtindama nâmbien.

² In zii zetgalen mama mimi ke mâpmamti Kawawaŋgalen Emetak Teñ ke tiwien? Ma Kawawaŋgalen Zet Zapat Dolakŋan Penan kapi nâmti nâmkijpemti Kawawaŋgalen Emetak Teñ tiwien ze? Olak zeme nâmbi!

³ In ke kwilekiyet seon penan beme delan zemâzin? In Kawawaŋgalen Emetak Tenŋalen selen yanjbemti mebienan naman itnanan ke ewe gilik zemti ilinaŋgalen windeen mdelan zesâgât tapmip ma?

⁴ In Kawawaŋgalen Emetak Teñmak kot tusume kwitnan kwitnan nukŋan inmagen sokbemindamâge ke in nâme belak penan sokbemindaye kekok bein?

⁵ Ma in zii zet mâti mamaip keyepmti Kawawaŋan Emetak Teñan indamti menok inmagen mammsokbein? Yek, in Kawawaŋgalen Zet Zapat Dolakŋan Penan nâmti manâmkijpeip keyepmti menok mamip.

⁶ Kawawaŋgalen Zet Itnanan keyan Abalaam-gat pigok zenzenan tazin,

“Abalaaman Kawawaŋgat nâmkijpeyepmti Kawawaŋan egat nâme an teñ beye.”
(Sokbembe 15:6)

7 Keyepmti in pigok penañ nâit, am nâmkijpepemak mamaip ekñenañ Abalaamgat nemunambañañ penañ bemti mamaip.

8 Am Zuda mangeen ku sokbembenañ ekñenañ eyo nâmkijpepe aikme Kawawañañ indikme an imbi tenj bembeyet zenzenañ keyepmti eweñan Kawawañañ Abalaamgat zet zapatnañ kapi zeme Kawawañgalen Zet Itnañanen pigok kumpewien, “Abalaam, geñ nâmkijpepemak bewanan keyepmti geñmagengatnañ alikdi sokbewe. Âpme am msat sambe ekñenañ ek nâmkijpemti set keeset kaisasatnañ ke mâti mme neñ ekñen anjalañindewap.”
(*Sokbembe 12:3; 18:18; 22:18*)

9 Keyepmti am Kawawañ manâmkijpeip ekñenañ Abalaamak tusume Kawawañañ nsakwep tewalañ sambe mandamkwatain.

10 Âpme am notnañ zii zelañ ñenañ bemindeme mamaip ekñen Kawawañañ saik makumindein keyepmti Kawawañgalen Zet Itnañañ kapigok mimiñañ tazin,

“Zii zelen zet sambe tazin ke ñep ku kululuyelen. Am ñenañ kwep ñen makuluin beme ek Kawawañañ saik makumpein.” (*Zii Zet 27:26*)

11 Keyepmti an ñenañ zii zet keyet keñan mamti naman neñ Kawawañgat zikatnañ tenj penañ yompiñ mayap. Kegok ñep ku zenzeyelen elak Kawawañgalen zet piyañ sosok penañ pigok zemkawañ beme nânup,

“Nâmkijpepeen etañ Kawawañañ indikme tenj mambeip am ekñen keyañ etañ mama

kanzizit aikbep.” *(Habakuk 2:4)*

¹² Zii zetgat kenanen nâmkîñpepeyet zetnañ ñen ku zenzenañ Kawawañgalen Zet Itnañañ pigok gulak zenzenañ,

“An ñenañ zii zet sambe ke mâti mamambe beme maneti keyet penañañ mama kanzizit tiwe.” *(Wok Pris 18:5)*

¹³ Âpme Kawawañgalen Zet Itnañanen zet ñen kapigok tazin,

“Am tewen maindom masasokindeip ekñen Kawawañañ saik makumindein.” *(Zii Zet 21:23)*

Âpme Zisas ek yomepiñ yangut egañ am yominmak Kawawañañ saik kum indeme nukñañ matip sepem kekokak tiye. Kekok timti am zii zetgalen zemdelañ zenze muluwengatnan gilik zemndatiye.

¹⁴ Zisas Kilaisiyelen zet gawepupu ma gakikiñañ pembenañgapmti Kawawañañ Abalaam Emetak Ten sasayet zetik mpeye ke am Zuda mangeen ku sokbembenañ ekñenañ ke time delañ zeye. Âpme nin nâmkîñpepemak bemtingut Emetak Ten titiyet Kawawañ iññañ eweñan zapatnañ zemndendañ ke ñep tiwanup.

Zii zet keyañ Kawawañgalen zetik mge ke ñep ku aseke

¹⁵ Nâmkîñpepeen notnne, neñ kwitnañ kwitnañ masokbeme eknâminup keeset zet ñen pigok bem zema nâit: an zut ñenañ keñ kwep bemti muluwit kwileki ñen mimiyet zemkatik bemalu an ñenañ

ku maasekidein ma an nenan nânâ nen ku matusumidain.

¹⁶ Kawawaŋaŋ Abalaamak iŋsokŋane sambe ekŋenmagengatnan an kwep nenmagen kwitnaŋ kwitnaŋ dolakŋaŋ bam sokbembeyet zetik mpeye. Kawawaŋgalen Zet Itnaŋanen muluwaŋ ke wa iŋsokŋane sambe ekŋengat meluwaŋ mimiŋaŋaŋ ku mamaiŋ nânuŋ: Iŋsokŋane sambe, ekŋengat tuŋguwinaŋgatnaŋ sokŋaŋ kwewetaŋ egat zet zapatnaŋ mimiŋaŋaŋ mamaiŋnup sokŋaŋ ke Kilais.

¹⁷ Kawawaŋaŋ Abalaamak zemtâmti tâtâ ke mkatikŋaŋ beye ma zetik mge ke nep ku asesekgalen. Kegok mti mamkwatnepeme nup kan 430 bemeŋgut zii zet 10 ke Moses saye. Keyepmti zii zet keyaŋ Kawawaŋaŋ Abalaamak tâtâ mti kwitnaŋ kwitnaŋ ke sokbembeyet zetik mpeye ke nep ku aseke.

¹⁸ Zii zet ekŋen kapi weyaŋ gawepumann delaŋ zeme keyaŋ yomengatnan gilik zemti ndatiti set ke tadak ze nin naman zetik mimiŋaŋ keyet katan ku mbenek. Âpme Kawawaŋaŋ keŋ taoletnaŋgat Abalaam zetik mpeye keyet penaŋ saye.

¹⁹ Âpme naman yaŋaŋ eneyet penaŋ Kawawaŋaŋ zii zet kapi beye? Kawawaŋaŋ am ekŋenaŋ yommnaŋgat yaŋaŋ ekmâtâtâtgat nâmti zii zet kapi indaye. Zii zet ke mti manepeme zetik mimiŋaŋ keyet penaŋaŋ Kilaisiyaŋ am mamain sokbeme zii zet kapi delaŋ zenzeyet zenzenaŋ. Kukŋaŋgat Kawawaŋaŋ zii zet ke ensel nengat betnan beme egaŋ mti Kawawaŋ ma am ekŋengat an tuŋguwin Moses

egat betnan beye. Beme Mosesiyan mti kot yenşokñine ekñen indamti zemâtâtindaye.

²⁰ Âpme kukñaŋgat Kawawaŋaŋ Abalaamgat zetik mpeyeen egaŋ igak etaŋ zeye. An ŋenaŋ tungupman tatat ke yek penaŋ, ensel ma Moses mee kogak yek.

Zii zelaŋ gapmukulem mti Kilaismagen ku gaik-mebe

²¹ Keyepmti in nâme zii zet alakgatnaŋ zeya keyaŋ Kawawaŋaŋ eweŋan zetik mge ke ŋep penpeme mebe bein? E ŋep ku mimiyelen. Kawawaŋaŋ zii zet kapiestet amnaŋ mama titiyet set aikndaye ze amnaŋ zet keeset etaŋ mepme Kawawaŋaŋ indikme teŋ beme mama ŋep maaik indamanak.

²² Yaŋgut Kawawaŋalen Zet Itnaŋaŋ nin pigok zikat ndain: Msalen am sambe bepi yom mimiyet tikñaŋin omba penaŋ matazin. Keyepmti an ŋenaŋ Zisas Kilais nâmkñepewe beme Kawawaŋaŋ Emetak Teŋaŋ ke taolet ndandayet zetik mge ke sawe.

²³ Nin eweŋan nâmkñepeyelen setnaŋ ewe sokbemndandapiŋ tapme zii zet katikñaŋ kandaŋan tatnepemann nâmkñepeyeyet zetik mimiŋaŋ keyet penaŋaŋ sokbemkawaŋ bem ndaye.

²⁴ Zii zelaŋ ndamusuweti mandalem kwatnepeme Kilaisiyan iknã kopme ek nâmkñepemti Kawawaŋgat zikatnan yompiŋ teŋ bembeyet kegok mimiŋaŋ.

²⁵ Kilaisiyan kopme nin egat nâmkinjpeṃti keyet sakṃan gwaenen nin zii zetgat kandaṃan ṃen ewe ku matatnup.

Nâmkinjpeṃen nin Kawawaṃgat nenunambaṃane mambenup

²⁶ In Kilais Zisas nâmkinjpeṃti in Kawawaṃgat nambaṃan beṃti mamaip.

²⁷ In Kilaismak tususu mme tu zulutindeme Kilais ikṃan nambaṃak bewien.

²⁸ Kegok mti am sambe Zuda ma am Zuda maṃgeen ku sokbambaṃan ma sisiliṃ namba ma am belak lala mamaip ma an ma imbi nin sambe Kilaismak tusumti am maṃge kwep kwabien.

²⁹ In Kilaisiyet zapat bewien kan keyet in Abalaamgat inṃokṃane penaṃ bewien. Mti eweṃan Kawawaṃan Abalaamgat zetik mpeye keyet penaṃan Emetak Teṃ timti mamaip.

4

Nin Kawawaṃgat nambaṃane mambenup

¹ Neṃ beṃzenze zet ṃen ewe kapigok zema nâit. Namba isikṃan ṃen bipmaṃ gakime sakwep keyegak bipmaṃgalen kwitnaṃ kwitnaṃ keyet toṃan beṃti damaṃ ku mamain. Ek anamba isikṃan bugan keyeṃti egaṃ kwitnaṃ kwitnaṃan keyet sisiliṃ etaṃ main. Egaṃ ṃep ku damaṃ mimiyelen keyeṃti

² bipmaṃ isikṃan egaṃ datnaṃan kwitnaṃ kwitnaṃ yaloṃ peṃti gakiye ke time kwaopme ekdamaṃ mti manepeme namba isikṃanṃat bipmaṃan kan beye ke bududuk beme namba ikṃanṃat betnan beme ikṃan ekdamaṃ main.

³ Eweŋan nin nemba isikŋaŋ keboŋ sisiliŋ nemba bemti zii zet ma Zuda ekŋengalen set sambe notnaŋ bembenaŋ keyet kandaŋan meti kapiyaŋ mama kanzizit ŋep aikndasem zemti ke mâti manepemann bam Kilaisiyaŋ koge.

⁴ Kawawaŋaŋ kan nâmpeye kan ke kopme ikŋaŋgat Nemunaŋ penaŋ Zisas ke Zuda imbi ŋeniyet keŋan beme kambakmak tati ambege. Ambepme egaŋ Zuda amgalen zii zet gawepumti mamtan.

⁵ Egaŋ ke nin zii zetgat kandaŋangatnan gilik zemndatime Kawawaŋgat nembane bembeyet nâmti kekok mge.

⁶ Egaŋ kekok mti indatime in egat nemunaŋe bewien keyepmti Kawawaŋaŋ Nemunaŋgat Emetagaŋ butnaŋ ke ningat keŋŋan peme toweti egaŋ mme nin nâmtalati Kawawaŋgat kwizet pigok makunup, “Bien, Bien!”

⁷ Keyepmti nin zii zet kandanan sisiliŋ nemba ewe ku mamanup. Nin Kawawaŋgat nemunaŋe penaŋ bemti mamanupgapmti ekmagengatnaŋ kwitnaŋ kwitnaŋ dolakŋaŋ kopme matinup.

Pâlaŋ Galesia am nâmkirpepeninmak ekŋengat yayaŋ mge

⁸ In eweŋan Kawawaŋgat yaŋaŋ ku weyaŋ nâmtâtâti keyepm Kawawaŋaŋ kwitnaŋ kwitnaŋ zeme sokbem mâge keyet nâme kawawaŋ dâsuki mmonzempemti keyet kandaŋan meti mambien.

⁹ Yaŋ alak in Kawawaŋaŋ penaŋ egat yaŋaŋ ilak nâmtâtâlip ma gilik zem kapigok zema ŋep besem Kawawaŋaŋ ingat yaŋaŋin nâmtâtâzin. Âpme in eneyet naman gilik zemti Kawawaŋaŋ kwitnaŋ

kwitnaŋ mge kemagen tapmelip. Kwitnaŋ kwitnaŋ belakŋaŋ keboŋ keyaŋ in indamukulem mi-mindendeyet windenaŋ ŋen ku tazin, yek penaŋ. Âpme in yaŋaŋ ke nâmtiŋgut naman kwilekiyet keyet kandaŋaŋ ewe mebegalenak mamip?

¹⁰ In kendo sambe sepem igak igak pi tapmeti keyet nâme mobotnaŋ beme

¹¹ keyet kandaŋaŋ mepmâpme neŋ mulupm in-magen mban keyaŋ penaŋepiŋ besemagen zemti keyet omba penaŋ maembembeliap.

¹² Notnne, in neŋ Kawawaŋgat manâmkinpeyap kegogak nâmkinpepeyet nâmti zeap. In nukŋaŋ ŋen ku aik nawien. Kegok tusumti mmobotgat wekum indayap.

¹³ Nâip, neŋ eweŋaŋ sek zawalaŋ naikgeyepmti inmak ke tati in Kawawaŋgalen Zet Zapat Dolakŋaŋ Penaŋ diindowan.

¹⁴ Âpme zawat sebet susuk igagen penaŋ sokbemname in nâmneme mgasik beme ku nikkiŋgabien. Yek, in nikme Kawawaŋgalen ensel ŋenok bewan ma Zisas Kilaisnok bema nikdamuŋ dolakŋaŋ penaŋ mnawien.

¹⁵ Kan keyet Kawawaŋgalen Zet Zapat Dolakŋaŋ Penaŋ diindoma nâmti oloŋen mbien. E naman eneyet pigogat windenaŋ peme tatozin? Kan keyet in zikalin kwanzemti neŋ nanayelen benak ze in nâgât zikatn bekanŋ kwanzemnemti ingalen pembenaŋ keyaŋ wetneme neŋ mulup inmagen ewe tusumti mbak.

¹⁶ Yanaman kan pigogat zet penaŋ sukwep diindoma in kwilekiyet neŋ naman nikme kasaŋin bema mambamkumneip?

17 Âpme am zii zet zikat indanda dâsuki notnaŋ mamaip. Ekŋenaŋ in ekŋenmak met tusumti mamayet nâmti zet kelakŋaŋ mamimindeip. Ekŋenaŋ ŋep indamukulem mimindeme mama kanzizit ŋep ku tiwep. Ekŋenaŋ belak tususuŋin neŋmak tazin ke elenŋem indeme in met ekŋenmak mamayet nâmti keŋok mamip.

18 Neŋ inmak ke mama ekŋenaŋ kwitnaŋ kwitnaŋ dolakŋaŋgat setnaŋ zikat indamti indamukulem mme keyaŋ ŋep benak. Âk neŋ beŋaŋ piyen mama ekŋenaŋ zet kelakŋaŋ etaŋ mimindamti indatimti ilinaŋgalen mamaen mesât manzeip ke dolakŋaŋ penaŋ yek.

19 Nembanne, neŋ in Kilaisiyelen mama mimi tazin sepem keŋogak titiyelen nâmti keŋaŋ sindem temaŋ penaŋ beme inmagen mulup mamiap. Imbi ŋenaŋ nembaŋaŋ sokbesâpmme sek sindem matin sindem sepem keboŋ manâyap.

20 Neŋ alak pi inmak ke tabak ze dolakŋaŋ penaŋ. Neŋ ingalen nukŋaŋ ke eknâm mti ŋep indamukulem mimindewak. Âk neŋ beŋaŋ penaŋ pien tati ingalen nukŋaŋ ke zigoset ekti indamukulem mimiyelen ke ku nâmtiyepm ingat yayaŋ temaŋ penaŋ mimindeyap.

Selamak Aga egetmagen bemzenze zet zenzenaŋ

21 Neŋ am in zii zet keyet keŋaŋ meti mamaip in pigok indayaŋkwesima zeit, in zii zelaŋ zigok penaŋ zein keyet yaŋaŋ zemkawaŋ beme nâmbi?

22 Kawawaŋgalen Zet Itnaŋanen zet pigok zemkawaŋ bein, “Abalaamgat nemuŋanet zut sokbewun, ŋen iŋaŋgat imbiŋaŋ penaŋ kwitnaŋ

Sela ekmagengatnaŋ sokbeye. Nən sisiliŋ imbiŋaŋ kwitnaŋ Aga ekmagengatnaŋ sokbeye.

²³ Âpme sisiliŋ imbiŋaŋmak ambebun ke Abalaamgalen ŋktigengatnaŋ etaŋ sokbeye. Âpme imbiŋaŋ penaŋ kemak ambebun ke Kawawaŋaŋaŋ zetik mpeye keyet katnaŋ sokbeye.”

²⁴ Keyepmti nin ekuwen imbi Aga ek Kawawaŋaŋaŋ Sainai Kalaŋaŋ Moses zii zet saye sepem keboŋ. Ma imbi Sela ek Kawawaŋaŋaŋ Abalaamgat iŋsokŋane sambe sokbembeyet zetik mge sepem keboŋ. Aga ek sisiliŋ imbi etaŋ mamtan keyepmti iŋsokŋane ekŋenaŋ sisiliŋ am bemâbien.

²⁵ Sisiliŋ imbi Aga ke Alebia msalen Sainai Kalaŋ tazin keyet sesepmaŋ bein. Yaŋ alak Aga egaŋ Zelusalem mka temaŋ keyet sesepmaŋ bein. Zelusalem mka ma am ke matalip ekŋenaŋ zii zetgat kandaŋaŋ meti sisiliŋ mamip.

²⁶ Âpme Abalaamgat imbiŋaŋ penaŋ keyaŋ Zelusalem alakŋaŋ kululuŋen gwaen Kawawaŋgat kandaŋaŋ tazin keyet sesepmaŋ bein. Âpme Zelusalem kululuŋen tazin keyaŋ am lala mamamup ningat mamm kegok bein.

²⁷ Kawawaŋgalen Zet Itnaŋanen zet kapigok tazin,

“Imbi tipkatik mamamnik geŋ namba ambesâgât sek sindem ku matinik. Keyet mti geŋ oloŋen mti kwizet temaŋ ku. Bam Kawawaŋaŋaŋ geŋmagen menok mme geŋmagen namba sambe penaŋ sokbem mâbep. Sisiliŋ mulup imbindaŋ namba ambege ke sebempemti gâlenaŋ omba

penañ sokbemâbep.” *(Aizaya 54:1)*

²⁸ Âpme Aisakgañ Kawawañañ zetik mge keyet katanj sokbeye. Yanj alak pi notnne in Kawawañañ zetik mge keyet katanj sokbemti egat nemunambañane bemti mamaip.

²⁹ Âpme nemba sisiliñ imbi Agamagen sokbeye egañ Kawawañgalen Emetak Tenjañ menok mme sokbeye nemba ke kasa kasa msaye. Sepem kegogak alak pi am zii zetgalen set mâti mamaip ekñenañ nin kasa kasa maminndaip.

³⁰ Âpme keyet Kawawañgalen Zet Itnañanen zigok penañ zenzenañañ tazin?

“Sisiliñ imbi ek nemuñañmak ilisakwep idamâpmane msat belakñan melit. Mneti sisiliñ imbi egalen nemuñañ keyañ imbindi penañgalen nemba keyelen kwitnañ kwitnañ ke toñañ bewemagat.”
(Sokbembe 21:10)

³¹ Keyepmti notnne, wa nin sisiliñ imbi keyelen nemunambañane yek. Nin Abalaam ikrñanggat imbiñañ penañ egalen nemunambañane mamanup.

5

Nin lala manuwanj lalayegak penañ mambanup

¹ Kilaisiyañ in mme lala mekoti maip keyepmti in lala bubuk mekoti mambep. Keyepmti in am notnañ kawañañ bugan indame ekñenañ Zuda am ekñengalen zii zet keyet kandañan meti mamayet zet kelakñañ mimindamti ku indatiwep.

² Neñ zet kaliñañ kapigok zema nâit, in sekñin butnañ antim indendeyet zeme nâmindewep

beme Kilaisiyet gakikiŋaŋ keyet nâme belakŋaŋ penañ bewe.

³ Neŋ zet keyegak ewe sakwalamti penañ pigok diindoma nâit, mneti an ŋenaŋ sekŋaŋ butnaŋ antitiyet nâmindewe beme zii zet sambe ke es-
emteŋ weyaŋ gawepume delaŋ zemâbe.

⁴ In zii zet gawepumann Kawawaŋaŋaŋ indikme teŋ besenup zemti mamip. Inmagen Kilais-
mak tususu mbien e ilak etime delaŋ zeye. Keyepmti Kawawaŋgalen keŋ taolelaŋ inmagen ku matazin.

⁵ Keyaŋgut nin Kawawaŋgalen Emetak Tenŋalen windeyaŋ nâmkĩŋpepeŋinan ndamukulem mimindeme mulup dolakŋaŋ mman Kawawaŋaŋaŋ nin nâmdeme teŋ bembeyet webemti damuŋ matatnup.

⁶ Nin Zisas Kilaismak tususu mbennen am sekŋin butnaŋ antitiŋaŋ ma sekŋin butnaŋ anti-
tipiŋ mama mimi keyet nâma kwitnaŋ kwitnaŋ ŋotekŋaŋ penañ ku beye. Nin nâmkĩŋpepen gogot palen mama keyet nâmann penañ penañ bein.

⁷ Eweŋan in Kawawaŋgalen zet katnaŋ pe-
naŋset mama mimi dolakŋaŋ ke mkwabien. Yaŋ alak kwi ŋenaŋ zigoset zet kelakŋaŋ mimindeme Kawawaŋgalen zet katnaŋ bamkumpemti naman set ŋen ŋaset mâti mamelip?

⁸ In Kawawaŋaŋaŋ indakumtetime kot egat za-
pat bewien. Yaŋ egaŋ in mama mimi bekanañ ke mimiyet egaŋ zet kelakŋaŋ mimindeme ku mamip.

⁹ Nâip, nin yis isikŋaŋ bugan nupmamaŋ keŋan pemann toti keyaŋ nupmamaŋ mme omba penañ

masemem kwapme eknup. Sepem kegogak an bekanaj kwewanaj am dolaknaj sambe njotiknaj mamme yungum temezin.

¹⁰ Neñ in Kawawanjalen Zet Zapat Dolaknaj Penaj nep ku katik pewep ke nâmkatikbemindeyap. Nin Amobotnaj Kilaismak tususunn tazin keyepmti in njotik sepemanaj nen ku mâti mebep ke penaj nâmkinjpem indeyap. Âpme am zii zet mâti mamaip ekñenaj keñin mamimyunguip keyepmti bamgat yomin keyet dopmaj Kawawanaj mutumindawe.

¹¹ Notnne, neñ amnanaj sekñin butnaj antitiyet zetnaj diindowak ze zigoset Zuda am ekñenaj sisipeñpeñ mnawiek? Ma kegok diindowak benagen Kilais tewen kumasasokpeme gakiye keyet zapanaj zemann manâmbekambemdeip e kegogak ku mbiek?

¹² Am in sekñin butnaj antim pepeyet zetnaj mandiindoip ekñen keboñ ke indikti diindome ilinangat kalin sowep.

¹³ Notnne, in lala mamayet nâmti Kilaisiyan indazemtetime kobien. Keyepmti in kapigok ku nâseip. Nin lala tatnup keyepmti mama mimi itnanaj ke ewe timann kwapme mne kegok ku otnâit in ilinak mukulem mukulem mti gogot palen mambep.

¹⁴ Âpme zii zet sambe keyet zet njotekñaj teman pigok pende mti zenzenaj,

“Gitanjat mangembein keyet katanaj am notnaj ekñengat gogot mimindewanik.” (*Wok Pris 19:18*)

¹⁵ In mneti tunḡuwinan zet mdândândâ mti dopmanḡ mekum kokum mti am mama mimiḡin dolakḡaḡ tazin ke walep mâbepmagen zemti yayaḡ zet kapi diindoyap.

Emetak Tenḡaḡ mama mimi alakḡaḡ kapigok mandain

¹⁶ Neḡ ingat pigok penaḡ zema nâip: In Kawawaḡgalen Emetak Tenḡ ek nâmpeme ingat mama mimiḡin damuḡ mbe. Kegok mme in keḡ itnaḡaḡgalen mama mimi bekaḡaḡ keyelen tikḡaḡ ke ku mâpmebep.

¹⁷ Keḡ itnaḡaḡgalen mama mimi bekaḡaḡ keyelen tikḡaḡaḡ Kawawaḡgalen Emetak Tenḡ kasa mampein. Âpme naman Kawawaḡgalen Emetak Tenḡaḡ kegogak keḡ itnaḡaḡgalen mama mimi bekaḡaḡ ke kasa mampeinegak. Egelan kasa kasa kegok mmalu in kwitnaḡ kwitnaḡ notnaḡ msât maotnâip ke eleḡ beleḡ bemti ḡep ku mamip.

¹⁸ In Kawawaḡgalen Emetak Tenḡaḡ indadamuḡ mbe beme zii zetgat kandaḡan ewe ku mambep.

¹⁹ Keḡ itnaḡaḡgalen mama mimi sambe bee wa enzililiḡan ku tazin. Ke sosok kapigok ma sokbeme eknup: Imbimak set kileḡ mama ma muluwaḡ okbi okbiḡaḡmak muluwaḡ bekaḡaḡgat mimiyet keḡ wawat.

²⁰ Ma nopiom sesewatindaip ke ma aindindi ma mulup kwitnaḡ kwitnaḡ we bekaḡaḡmak mee notnaḡ mamip. Ma kasa kasa mti an ââ ma am notnaḡgat nâmbembe mimi ma ḡenzinziḡ ma ilinaḡgat kwitnaḡ kwitnaḡin sambe tatagat mulup temaḡ mimi ma mdândâmti maḡe kalalaḡ

²¹ ma eyak zet ma tu katikŋaŋ nimti keŋ kilen mama ma ondedak keŋaŋ mama mimi bekaŋaŋ penaŋ mti mama mimi sambe keboŋ keboŋ ke mamip. Am ekŋen keboŋ keyaŋ Kawawaŋgalen zemâtâtât katnanen mamaen ku mambeb.

²² Âpme am Kawawaŋgalen Emetak Teŋmak mamaip ekŋengat mamaŋinaŋ mulup mme penaŋaŋ kapigok masokbein: Ammak gogot mama ma oloŋen palen mama ma keŋ sewakŋaŋ palen mama ma mama mimi sewak sewak mti mama am indamukulem mimi ma dopmaŋ mukulem mukulem mti mama ma zegawepupumak mama ma

²³ keŋ mtoti mama ma segaŋ mama mimi bekaŋaŋgat maŋâin keyet windenaŋ mtopemti mamti, mama mimi dolakŋaŋ keboŋ keboŋ ke zii zet ŋenaŋ ku mtopepeyelen.

²⁴ Am Zisas Kilaisiyet zapat mamaip ekŋenaŋ keŋ itnaŋaŋgalen mama mimi bekaŋaŋgat tikŋaŋ keyaŋ indapmandame yom mamip, keyelen windenaŋ ke Kawawaŋgalen Emetak Teŋaŋ indamukulem mimindeme keŋ itnaŋaŋgalen winde omba penaŋ mtopeme delaŋ zemâge.

²⁵ In Kawawaŋgalen Emetak Teŋgalen windeyeyet maip beme egalen windeen negak mamebeb.

²⁶ Nin nnaŋgat sekŋ mmoti notnne notnaŋ ekŋengat keŋin mmann bekaŋaŋ ku bewe. Ma nin notnne notnaŋ ekŋengat nâmbembe ku mbanup.

6

Dopmaŋ mukulem mukulem mti nukŋaŋjin pumti mamambep

¹ Notnne, inmagengatnaŋ ŋenaŋ tetimaemaen sukŋaŋ bemi yom mme in Kawawaŋgalen Emetak Tenmak nâmkinpepeŋin kaliŋaŋ matazinaŋ sewak sewak mti an ke mama mimiŋaŋ weyaŋpewep. In egat mobotnaŋ mti sakambuk mti sakambuk samti ku mtopewep. Mneti mseŋan Sadaŋaŋ in kegogak indatetim indeme toindoweyet weyaŋ eksemti mbep.

² Tunġuwinan nukŋaŋ notnaŋ masokbemandain ke ilinak mukulem mukulem mti gapuwep. Kegok mti Kilaisiyelen zii zet bee ŋep gawepuwep.

³ An ŋenaŋ iŋŋaŋ neŋ amobotnaŋ mayap nâmbeyanġut am ekŋenaŋ egat nâmbey amobotnaŋ ku bewe beme egaŋ belak sek mmobot etaŋ mbe.

⁴ Keyepmti am kwep kwewaŋ ilinaŋgat muluwinanġat yaŋaŋin weyaŋ ekmâtâbep. Ekme muluwinanġ dolakŋaŋ bewe bemeŋġut muluwin keyet nâmti ilinaŋgat sekŋin mmobep. Yanġut in ilinaŋgalen mulupmak nolin ŋengalen mulupmak ku bemak ekbep.

⁵ Mti am kwep kwewaŋ ilinaŋgat nukŋaŋin iŋŋanġat iŋŋanġat timti met Kawawaŋgat betnan bewep.

⁶ In an Kawawaŋgalen Zet Zapat Dolakŋaŋ Penanġ diindom zikat indamamip ekŋen ke segalen bandim indamukulem mimindeme mamti mulup mbep.

⁷ In kapigok ku nâmyunġuwep. Kawawaŋ tetipewep beme in an tetimaee toŋaŋ bewep. Am ŋenaŋ mulupmanen kwitnaŋ kwitnaŋ maondein keyet penaŋaŋ iŋŋaŋ keyegak sokbeme matin.

⁸ Keyepmti am nenan mama mimi bekanan ke kenanen bemisik tabe beme egan maneti keyet penanan bekananak timti walelet teman aikbe. Ma am nenan Emetak Tengalen mama mimi dolaknan sambe ke kenanen tabe beme egan maneti keyet penanan mama kanzizit ke tiwe.

⁹ Keyepmti nin kwitnan kwitnan dolaknan mimiyet sekanan palen ku mne. Nin sisilin palen mbanup beme penanan titi kanen nin omba penan ndamkwatame timti nimwian wian teman mbanup.

¹⁰ Kegogapmti nin timti mulup dolaknan mti am notnan indamukulem mimiyet setnan sokbemndawe katan mbanup. Kilais namkinpepenan ekjenmagen yanjbemti mpemann mebe.

Pâlan zetnan delan zenzenan zesâti ankenoo zet zeye

¹¹ In papiaen muluwan kasetnan teman teman penan nen betnan penan kumindayapgat egit!

¹² Am notnan ekjenan amgat zikalinan kwizet bujamak bembeyet namti in sekjin butnan antitiyet zet ginjin penan mamiindeip. Ekjenan Kilais tewen gakiye keyet zetnan etan zemann sisipenpen sokbemndasemagen zemti kekok mamip.

¹³ An sekjin butnan antitinanmak ekjen sambe keyan zii zet sambe bee weyan dolaknan penan ku mangawepup. Ekjenan in namindeme ingat sekjin butnan antim indeme in ekjenmak tusumti ilinanggat kwizet bujamin mmot indendeyet namti kekok manzeip.

¹⁴ Âpme nenğut Amobotnaņņ Zisas Kilais tewen gakiye keyet nâma mobotnaņ beme keyet nâpen mamayap. Neņ msalen kwitnaņ kwitnaņ tazin keyet nâma mobotnaņ ku mambein ma ekņenaņ keğogak nâğât mobotnaņ ku matalip.

¹⁵ Am sekņin butnaņ antitiņaņ ma am sekņin butnaņ antitipiņ keyaņ penanaņ penañ ku bein. Kawawaņaņ mama alakņaņ aikndaye keyaņ penanaņ penañ bein.

¹⁶ Ma am sambe zet zeya kapi nâmti maņğawepup in ma am Zisas Kilais manâmkijpemamaip in Israeł alakņaņ Kawawaņaņ aņğalaņ gogot mimindeme keņ sewakņaņ palen mamayet nâmti dunduyap.

¹⁷ Pilak zetn pigok zemdelaņ zesowap: Notnne, neņ Kilaisiyelen sisiliņ an bema sek yemben sambe tamezin ma sisipeņpeņ omba mnawien keyepmti am ñenaņ neņ ñep ku mtot neneyelen.

¹⁸ Notnne, Amobotnaņņ Zisas Kilais egalen keņ taolelaņ inmak weweyet nâmti dunduyap. Penañ.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7